

Обраћање чланице Сталне делегације Парламентарне скупштине Босне и Херцеговине у ПССЕ Борјане Кришто на засједању Парламентарне скупштине Савјета Европе на тему "Функционисање демократских институција у Босни и Херцеговини".

Стразбур, 03. октобар 2013.

"Poštovani predsjedatelju,
Poštovane dame i gospodo izaslanici,
Uvaženi gosti i nazočni
Srdačno vas pozdravljam,

Budući da je Bosna i Hercegovina složena država koja funkcioniра na temelju Međunarodnog mirovnog sporazuma - Aneks IV. koji nema demokratski legitimitet, tako je teško potpuno objektivno prikazati Bosnu i Hercegovinu kao pravnu državu kao i funkcioniranje demokratskih institucija u njoj.

Ne praveći osvrt na pojedinačne točke Rezolucije, dopustite mi da, bez želje da tražim opravdanje za naše neuspijevanje u pronalaženju rješenja, još jedanput ukažem na osjetljivost pomenutog pitanja uvažavajući kompleksnu strukturu Bosne i Hercegovine kao države tri konstitutivna naroda i građana koji u njoj žive, posebice imajući u vidu kako nerješavanje ovog pitanja usporava naše kretanje na euroatlantskom putu koji je prioritet.

Izvršenje presude Sejdić-Finci je posebno složen problem jer zahtijeva reformu Ustava zemlje, a reforme Ustava su i u uređenijim zemljama od Bosne i Hercegovine kompliciran i složen postupak. Smatramo kako se presuda Sejdić-Finci, zbog svoje složenosti, ne može smatrati „običnom presudom“, stoga, njeno izvršenje zahtijeva posebne procedure.

Uvažavajući u potpunosti razumijevanje koje je Bosni i Hercegovini povjereno kada je u pitanju izvršenje ove presude Europskog suda za ljudska prava, pozivam da se ne gubi strpljenje te pruži dodatna šansa i pomoć za iznalaženje rješenja.

U kontekstu navedenog, Bosna i Hercegovina ne može prihvatiti tekst nacрта Rezolucije, a posebno u kontekstu da vlasti Bosne i Hercegovine, do sada, nisu učinile nikakav napor za pronalaženje rješenja za izvršenje ove presude, jer je politički proces s ciljem pronalaženja rješenja u tijeku.

Nadalje, smatramo da nije nužno pozivati se na sankcije niti pozivati na razmatranje suspenzije prava na zastupljenost Bosne i Hercegovine, jer volja za iznalaženje rješenja u Bosni i Hercegovini postoji i uvjeren sam kako će se rješenje naći jer je ono, prije svega, u interesu Bosne i Hercegovine i njenoga euro-atlantskoga puta. Imajući u vidu naprijed navedeno, smatramo nacrt Rezolucije Parlamentarne

skupštine neprihvatljivim, posebno što se tiče članaka 11. i 12. koji bi trebali biti izbrisani ili znatno izmijenjeni.

Uvaženi izaslanici, dame i gospodo,

Bosna i Hercegovina bi iznimno cijenila vašu potporu kada je u pitanju naprijed navedeno u cilju odbacivanja predloženog nacrtu Rezolucije u sadašnjem obliku. Hvala lijepa za pozornost!" (kraj)